

重印文登縣志序

民國壬申秋文登值兵燹之後膏盡髓枯瘡痍滿目古陶邱張公里元奉命牧茲土秉清慎勤三字之經行召父杜母慈惠之政夙夜孜孜專以撫綏安輯爲務不半載政平訟理苛細悉蠲一時之被德化頌神君者聲達四境公撫字之餘念縣志爲一邑文獻攸關而于孝廉霖達所纂新志體例精嚴記載翔實尤堪信今傳後惟邑人所印行者帙數少不敷傳觀乃倡議續印五百部并詔許叙其顛末以弁簡端許竊維縣志一稱邑乘載一邑之事者也縣長卽古之知縣知一邑之事者也以他邦人士一旦驟膺一邑民社之重果能於其沿革利弊風俗人情一一洞悉靡遺否乎不於其沿革利弊風俗人情洞悉靡遺果能數

文登縣志

卷首

序

一

化施政措置悉當否乎然則以知一邑之事之人其於載一邑之事之書不能淡然忽然漠不關懷者勢也他不具論即觀斯志之修起於光緒庚寅越八稔邑侯李公祖年蒞任始增刪訂正成爲定稿李公賢宰也垂四十年猶深去後之思推之如天啓志成於解公啓衷壬子志成於邵公沆王志成於王公一夔歐志成於歐公文解邵王歐諸公在文遺愛亦皆與李公相埒歷來之宰吾文者多矣顧志書之成何以獨出於解邵王歐李諸公之手其故亦可以深長思矣新志定稿迄今已三十六年簡斷編殘幾至湮沒雖經同人於壬戌之秋印行一次究以屬於私人倡辦僅以保存遺稿俾無散佚已耳不足謂爲完成也今幸我賢宰張公登高一呼羣山響應既竟李公未竟之志猶是解邵王歐四

公述作之心一髮千鈞於以永繫他日規風土考掌故者按圖索驥不至如杞宋之無徵焉新志之幸歟吾文之幸歟不待末學之曉曉矣民國二十二年歲在尙章作醴古天中節後邑人趙泮馨謹撰

文登縣志

卷首

序

二

續修文登縣志序

周禮秋官小行人之職國有札喪凶荒師役福事慶賀禍裁五物者治其事故及萬民之利害爲一書禮俗政事教治刑禁之逆順爲一書悖逆暴亂作應猶犯令者爲一書札喪凶荒厄貧爲一書康樂和親安平爲一書以反命於王以周知天下之故後世州縣志記兵凶災荒科舉仕宦之權輿也古人視天下猶一身血氣脈絡貫通不滯故坐於廟朝而天下咸理後世分設州縣縣各設官一縣之血氣脈絡卽視乎縣官一人之身自元以後縣官改名知縣謂其於一縣之事無不知也知之而後可以治之不知則麻木不仁血氣脈絡皆病吾不知其何以治也宋神宗時江西某縣令人覲神宗問曰爾縣某山去城幾里該令茫然

文登縣志

卷首

序

一

無以對神宗曰某山天下之名山也人人知之爾獨不知遑知民間疾苦乎視其職而去之則縣官欲知一縣之事舍志書何據哉文登縣志創始於明之嘉靖戊申屢經修輯至道光己亥迄於今將及百年老成殂謝故籍散亡文獻無徵幾等杞宋邑中諸士慨然續修採錄掌故攬至濟南書院課讀之暇編纂成書以無力附梓度存高閣今諸紳欲用洋板以省財力適余以菲材授文登令余較閱數次增刪若干條溯其體例尙合採輯古書如晉司馬彪郡國志宋永初山川記唐之元和郡縣志宋之太平寰宇記元豐九域志范成大吳郡志元之齊乘明之王鑒姑蘇志諸書邑中事實傳志碑銘詩文說部等皆散附各條之下以求合古來地志之例不僭用國史體裁不悖於古亦不謬於今頗稱完

善官斯土者公餘之暇偶一披覽當知蕞爾海疆編戶數萬民風視古昔何如人文視古昔何如原隰墳衍種植何如山林川澤生息何如民間貧富何如人情醇漓何如出其學以經理之則不愧父母子民之責矣不然方策空存供蠹魚之一飽何裨於政治何益於百姓哉光緒二十三年歲次丁酉八月秋翰林院庶吉士知文登縣事武進李祖年撰

文登縣志

卷首

序

二

續修文登縣志序

文登縣志創自明嘉靖戊申萬歷丁亥天啓丙寅續修者再清康熙壬子雍正乙巳歷經續修延至道光己亥百餘年矣其間一修於嘉慶庚午而遺稿亡矣再修於道光丙戌而大略僅存遲之又久網羅放失補綴成書蓋十得其六七耳孔子修春秋所見之世異辭所聞之世異辭所傳聞之世又異辭百餘年後墜緒茫茫諸事盡得之所聞與所傳聞嗚呼難矣後五十餘年光緒庚寅邑紳畢世基叢鑒洲林輝健劉培選深謀遠慮恐失今不修再蹈百餘年之故轍稟請邑侯許公源清屬于霖逢秉筆續修其發凡起例暗與濂亭修志議合濂亭者曾文正公門下士張裕釗也丁酉書成李公祖年爲之序未及梓行迄今垂三十年

僅有叢煜杲鈔本與稿本並存而邑人士爭相傳觀幾欲人挾一卷家置一編何其不謀而同也歲壬戌邑人張國琪宋聯琨首先倡議印行謂前賢評海內志書以康對山武功爲最吾不知是書視武功何如然文獻攸關既不忍聽其束諸高閣徒飽蠹魚復不能如叢氏繕寫校讎藏作珍本計惟措貲印行公諸同好不如是則無以饜邑人士傳觀之心遂與王燮理宋琳宋岱等議以售書之貲印書並云吾兩人赴書肆估價校對資斧當自備誓不以口腹累人所需者印刷費耳同時襄辦者則有宋嶠宋培乾賈雲鵬張新潮趙泮馨宋肇城趙克昌傳可遵劉序卿叢培桐公同宣布當蒙邑人士各表同情雖重貲弗惜也因取叢氏鈔本與稿本參互攷訂疑必仍有訛舛之處且未敢遽以爲成書也

繫千鈞於一髮以待後賢不令與荒煙蔓草同歸磨滅斯已耳其視庚午丙戌志稿或求其片紙隻字不可復得或一二斷簡殘編流播人間豈歐陽所云有幸有不幸歟抑推本其存亡絕續而皆自於人歟今印行在即命序於前既前有李公序在則亦僅述其顛末弁諸卷首庶不沒先後諸君苦衷而張國琪雖亦邑人蓋籍榮成云文登襟帶滄海崑崙鐵槎若屏障靈秀鍾毓代不乏人披閱是書亦可以觀感興起矣邑人趙鵬九敬序

原序

文邑志書始自萬歷丁亥天啓丙寅一修康熙壬子再修越今五十餘年山海依然井疆仍舊而風氣聿新版圖日盛民物事爲之不變垂紳佩玉祥麟威鳳之士迭出於山嶺水涯間潛德有光名標月旦孝子義士貞女節婦接踵而代生文武勳業之不齊政治因革之不一制度經營之各抒其畧所爲天道變於上人事更於下足以傳後世光邑乘者不知凡幾余以康熙丙申蒞文邑閱志卽欲重修以茲土凋敝責在牧民先本後末權緩急分輕重次第敷施至於十年事有成理爰進紳士捐俸而脩輯之以疆域稽天地人之同異以建置攷都邑規模之廢興以學校徵重道數教之得失以食貨核民物財用之煩減以典禮究

崇德尙賢之盛衰以官守驗文經武緯之謨猷以貢舉人物表賢才風俗之休嘉以藝文外志記文章政事山海怪異之無不備虛衷討論勿敢有成見也擇人纂輯勿敢徇私意也廣求輿論確訂事宜缺者增之繁者節之略者詳之舛者正之揀擇本於至公刪定衷諸正道期成信今傳後之帙以副載議禮考文之休

聖天子留心方略清問民風東省自 大中承至 郡伯時歷山海遼瀋之區觀風問俗所以興教化齊萬民者爲己至斯志十卷雖方隅之事略或足以供博探乎惟是簿書之餘校讎雖嚴不無疎略閱是志者開卷瞭然將後之視今亦猶今之視昔也雍正三年歲次乙巳年仲春月知文登縣事北平王一夔撰

原序

粵稽誦訓一官以詔觀事形方各職掌正封疆九邱八索爲太平一統之先聲食貨五行迺阜物擾民之要術文登義仲寅賓之處謝鄆薛士之區不夜名城多風識景秦罷侯而爲齊郡漢建國以表東垂牟平長廣代異其名廓定清陽世更其制縣之由來遐哉邈已夫其因山得名依海爲衛平野彌望崇厓蔽霄東則成山太始之初以禮曰焉西則腫城羸秦之代以輓粟焉崑崙峙靈於北鐵槎拱秀於南蜿蜒扶輿風氣清淑任土作貢徹田爲糧周原膺膺一易不易之地良耜戛戛千耦萬耦之耘倉廩實而知禮節衣食足而興絃歌登降揖讓見於鄉飲之時禮穡稷勸無非橫經之士長吏則龔黃召杜有父母之稱武衛則細柳

棘門皆干城之選知仁聖義之書不絕於閭巷安車蒲輪之典時臻於闕廷珥璫璫璫翼翼濟濟蓋自秦漢以來數千餘年洗僻陋之餘習闢文明之盛觀滌瑕蕩穢鏡乎至清匪朝伊夕焉若乃角巾起羣平林宗九原流連於隨會形管相舟之節靡筭望石之貞以及前代之所祝釐先民之所矩矱魚鹽瑣屑之計雲物氣稜之占罔非治典攸關掌故所繫聞揚幽隱則薄俗以興究悉精微則生民以厚又况攷貢道於海疆搜遺文於耆舊爲尤大端者乎歲在強圉作噩陽月爰取舊志暨前令蔡君培續輯志稿延集羣彥益加網羅別類分門定爲十卷閱二載劄劄告竣沿革分合之迹釐然畢陳農桑禮樂之條燦然俱備國家德澤涵濡埏埴暢治海隅日出依然禹甸之山川東萊小邦恍觀

周官之制作文等生逢

盛世宣揚

聖化舍此奚從也哉道光十九年歲次己亥仲冬月知文登縣事歐文撰

文登縣志

卷首

序

七

原序

昔孔子作春秋以垂教萬世後之作史者皆本聖人筆削之遺意而繁微博引紀事纂言浩瀚而不失其宗至班固作漢書始有志自是而後一郡一邑之中皆綜其人物山川之盛以備考核要皆本作史之體例而爲之然或擇焉不精語焉不詳則有病其固陋者矣吾鄉文登舊有志乃前令王公所修距今百餘年矣道光初年前令蔡公懼其久而湮沒於是輯雍正以後人物藝文以及建置沿革泐爲一書未就而蔡公去任道光甲午予讀禮家居適宜興歐公來宰是邑下車之始卽以本邑文獻爲己任並將蔡公所修前志囑爲校閱予時既少書籍又力不能廣爲延訪不過去其亥豕魯魚之譌間參鄙見以備採擇而已戊戌

文登縣志

卷首

序

人

夏仲子官楚北武昌道吾鄉畢文亭嵯尹來遊出公手書備言邑志稿本均已繕就先達中政蹟卓卓者咸據墓銘家傳列入節孝貞烈亦皆毫無遺漏並命予作序夫以予之孤陋寡聞何足爲公重特是吾邑雖蕞爾然濱臨大海波濤洶湧澎湃千里魚龍變幻出沒無常又有崇山峻嶺層巒疊嶂怪石嵯峨生雲吐霧環繞於城市村落間故其靈秀所鍾往往有奇人傑士名宦循吏以及孝子義夫貞女節婦蔚起而不窮使不有賢令尹急爲表章千百年後能無遺憾歟予雖未獲見全書然以公之政事文章卜之必能綱舉目張辭約理備其信於今而傳於後無疑也爰不辭蕪陋而爲之序道光十八年歲次戊戌仲夏月邑人于克襄撰

續修文登縣志凡例

一縣志爲地理之書與史例不同自宋元圖經散佚明嘉靖間敕天下各修縣志彙爲通志又彙爲一統志其時秉筆之士不援據古志以起義例多用史漢之法標立門類於是天文輿地典禮食貨列傳方伎藝文諸目與史相衡一縣一志一縣一史矣古者天子乃有史官左史記事右史記言是也春秋之衰列國各自爲史如晉乘楚檣机魯春秋之類夫子舉而歸之天子元年書春王正月明乎春秋魯史魯不得而有之故曰春秋天子之事今之郡縣皆隸於職方可以爲志不可以爲史故向來志書僭用史體之例者概不敢從

一古之地志記方域山川古蹟風俗物產而已其書雖不可見然以元和志實字記諸書考之亦大略可想先之以建置沿革其次山川古蹟等逐條類纂無所謂總綱子目諸門以擬史例蓋志與史各不相混今之縣志踵事遞增不能盡從古體其城池關隘學校官舍倉儲津梁職官選舉名宦人物列女之類不能不詳著於篇以存一邑掌故酌古準今足爲地志圭臬者莫如 大清一統志逐事直書質實典核屏除地志一切陋習而折衷至當今謹遵其例不立總門以次類記庶不雜史例而奪史權

一自明以前無縣志而地理存自明以來有縣志而地理亡其故在纂修諸人沿革不證諸歷代之史山川古蹟不參稽唐宋之書各

憑目見耳聞俚語俗傳著之於志愈流愈舛如邑中昌陽故城訛

爲康王山則根余昌山馬寶牛耳鶴鷄已泯其迹水則昌陽水郭家河久失其名溫泉七所見於樂志齊乘今志非其舊數以郭家河冒抱龍河之名以古橋河與木渚河爲二其載之歷代諸志及唐宋元書歷歷不爽者或棄而不錄或更易其名因陋就簡不可枚舉今本各史地理志及元和志實字記齊乘諸書山川古蹟悉復其舊俾來者得考焉

一縣志存一方掌故非詩文集類後世之志雜採各家傳誌序記箴銘詩賦等篇分類編輯綴於卷末繁文禮詞冗而無當近來又仿漢史藝文之例不載詩文但錄書目不知史冊藝文上而聖人之

經列代之史次則九流百家之言薈萃成編以著古籍爲典甚鉅一州一邑訓詁詞章寥寥無幾儼與天祿石渠同一目標亦云僭矣惟詩文之有關於土風者仿范成大吳郡志南宋方輿勝覽例以詩文散附各條之下以徵故實明王文恪姑蘇志國朝 欽定皇輿全覽日下舊聞考皆用其例今從之其各家書目即於人物傳中書曰著有某書幾卷

一欽定四庫全書提要云軼文軼事志乘皆可兼收爲夫先輩著述或燬於兵火棄於榛莽貽留無多不爲收載則蕩諸寒烟荒草永不復傳如邑中郭少監崑崙集只存一文一詩叢司空丰山奏議僅餘殘簡斷編文獻所關等於杞宋如斯類者皆依類附載以

存之雖不關於土風亦所不棄其全集俱存則擇其足徵故實者載之又前人行誼年久湮沒所存之書序文可作誌傳其生平出處事實借此可考即附於人物各傳之後觀者詳焉

一乾嘉以來金石之文甚行於世故修志者多增金石一門梵經造像連篇闌入殊乖志體茲編搜羅雖廣惟於古人官爵姓字品學行誼有關故實者酌量採入散附各條之下或全載其篇或刪節其要其浮泛者不錄亦不別立金石一門恐蕪雜也

一舊志立典禮一門詳載祀典犧牲俎豆幣帛之數升降拜跪之文及恩詔日月食鄉飲酒各儀注鈔撮會典雜之志中此非體也大清會典炳如周官頒行天下官司守之何待於志况典禮

文登縣志

卷首

凡例

十一

雅樂國家通制先賢先儒從祀並及各省非一邑所獨有而強立一門以擬六典實於義無當今省

一縣境明設成山靖海威海三衛衛各有志明時衛隸山東都指揮使司不由本縣統轄國初改歸地方故康熙壬子志雍正乙巳志俱收入志中雍正十三年裁威海二衛併入本縣其事蹟掌故自當與文合志成山衛改為榮成縣凡所當書者俱見榮成志茲不複載

一文登縣志始於明嘉靖戊申邑人嚴續修於萬歷丁亥天啓丙寅今皆不存惟天啟志尙有殘本僅人物半卷田賦一卷藝文二卷國朝則修於康熙壬子邑人黃雍正乙巳邑人畢道光己亥邑人呂尙爲

完書今人物名宦二門悉仍舊志其有舊志所遺者皆採之墓碑及各家文集傳誌表銘以補其闕惟採自何碑何書下必注明其近今人物爲闔學諸生所採送者錄其原傳亦必注明某人所採以昭公道惟生存之人物名宦不爲立傳鄉評沒而後定向例然也

一自雍正乙巳至道光己亥相去百有餘年嘉慶庚午邑人金鏞李鴻祖續修邑志未付梓而廢稿亦無存己亥志採輯頗疏去今又將六十年老成殂謝故籍散失欲於百餘年後撥拾舊聞蒐討萃難幸鄉先達于熙學有手訂乙巳志本郭文大有東海筆談金鏞有陽谷小識呂肇齡有啓堂隨筆呂潤蕃有墨齋隨筆林培玠有

文登縣志

卷首

凡例

十二

廢鐸嚙諸書於本邑山川古蹟前輩嘉言善行多所紀載擇其要者錄入百年舊迹不盡放佚至靖海衛世襲諸官則本之衛人採送之指揮傳山川經緯則本之太學生張熙載所繪文登地輿圖識大識小均有關於志乘抱殘守闕之功未可泯沒也

一人物入志自實字記始不過僅存姓名後人則本其出處行事詳著爲傳然明人猶未全錄史傳雜入志中一統志所載人物皆簡括數語不錄史文良以志中之傳與史各自爲體所謂詞尙體要也今仍舊例而以自明以前史傳及家傳碑銘附錄其下一則考鏡古人不厭詳明一則仍存志書舊例不使官私傳文混雜不分邑中如于可託徐士林王士任梁粵涵國史皆入列傳不敢割

載未便附錄故不載焉

一故家官族各有譜牒 覃恩誥命莫不恭紀譜牒之首卽無志書家乘豈能泯滅故今不載以免冗濫至坊表峙立萬目共觀 欽定四庫全書提要謂志乘坊表一門至爲淺陋亦並刪除

一國家有轉漕鼓鑄鹽鐵礦冶諸政故漢史本洪範之義名以食貨統天下水陸之產與政治經理之宜以爲言也一方一邑陸地不過穀粟桑麻海疆不過魚鹽蜃蛤亦立食貨之門僭擬國史之例揆之志體於義殊乖元和志名曰土貢寰宇記於各州下志土產一統志列於卷末亦以土產命名謹遵其例用載大略其瑣碎紛雜諸物列郡所同有者概瀝去之

一仙釋一統志列於卷末謹依其例惟災異一門一統志所無者今依舊志書之兵革水旱饑饉春秋之例同在編年之中蓋兵事凶荒總名災異惟挽回運數在乎人事故於平亂賑饑之人附書其中所以見人事之有權而災異之可以補救官斯土者易禍爲福轉危爲安則父母子民之責也

一茲編所引近代志書自一統志外山東通志亦曰通志 國初登州府志則曰舊登州志乾隆間所續纂者則曰續登州志光緒七年知府賈瑚所修則曰新登州志文登舊志天啓丙寅知縣解啓衷所修則曰天啓志康熙壬子知縣邵沆所修則曰壬子志雍正乙巳知縣王一夔所修則曰王志道光己亥知縣歐文所修則曰

歐志其舊志舛誤之處今爲改正仍注舊志之名明所自也

一甯文多土俗書如塿音牀莊也或鑿音衆字之訛亦音牀山窩也今多爲村名皆不見於字書音牀山名宜作音牀字高山貌地以五畝爲一塿音上不知塿乃音寵如此類者不能悉數篇中間有徵引舊文不能遽改之處仍依土字餘如音牀改作音牀塿改作上又崑崙山之崙字不見於字書廣韻有崙字弋朱切山名崙字當與崙通

文登縣志目錄

卷一

建置沿革 形勢 山川 古蹟 關隘 津梁 風俗

卷二

城池 官廨學校 倉儲

卷三

都里 坊市 戶口 賦役 鹽法

卷四

祠廟 寺觀 冢墓

卷五

文登縣志 卷首 目錄

職官表一 職官表二

卷六

選舉表一 選舉表二

卷七

名宦一 名宦二

卷八

人物一

卷九_上

人物二

卷十

十五

人物三 寓籍

卷十一

列女

卷十二

釋道

卷十三

土產

卷十四

災異

文登縣志 卷首 目錄

十六

文登縣志 卷一 建置沿革	兩漢	昌陽縣 昌陽縣
	魏	昌陽縣 昌陽縣
	晉	昌陽縣 昌陽縣
	宋	昌陽縣 昌陽縣
	後魏	昌陽縣 昌陽縣
	齊	昌陽縣 昌陽縣
	周	昌陽縣 昌陽縣
	隋	昌陽縣 昌陽縣
	唐五代	昌陽縣 昌陽縣
	宋	昌陽縣 昌陽縣
文登縣志 卷一 建置沿革	金	昌陽縣 昌陽縣
	元	昌陽縣 昌陽縣
	明	昌陽縣 昌陽縣
		昌陽縣 昌陽縣
		昌陽縣 昌陽縣
		昌陽縣 昌陽縣
		昌陽縣 昌陽縣
		昌陽縣 昌陽縣
		昌陽縣 昌陽縣
		昌陽縣 昌陽縣

文登縣志卷一上

建置沿革

唐虞青州萊夷地禹貢萊夷作牧是也

舊志引典與分命義仲宅嶧夷曰嶧谷又曰嶧西之嶧里店即古嶧谷也命義仲家日處殊屬附會孔安國書傳東表之地嶧夷正義曰青州在東界外之嶧為表時青州越海而有遼東樂浪三韓之地後漢書東夷傳曰宅是嶧夷曰乃嶧谷指今嶧縣言禹貢維指嶧後漢書以嶧夷為朝鮮地蓋朝鮮古屬青州與今登州之東境隔海相對正合孔傳東表之語非文登地也齊乘以寧海州為嶧夷亦誤

夏商青州地

舊志青州之域後為斟灌斟鄩氏封國考左傳使濇用師滅斟灌及斟鄩氏杜注濇光東南有濇亭嶺山東考古錄斟灌國故城在濇光東北四十里今為斟灌店斟鄩杜注北海平濇縣東南有斟亭平濇即今濇縣濇縣府志之誤率爾採入殊為無稽

周青州地萊國東境不夜城即此

齊地記云古有日夜出見於東萊故萊子立此城名曰不夜故城在縣東北八十里今入榮城縣 舊志云周為牟子國地據山東考古錄春秋以牟名國與地者有三皆不在登州境內路史齊邑牟偏近臨淄

文登縣志卷一上 建置沿革

乃遷牟於東海牟子國在今福山牟城社惟牟國原在今之萊蕪縣何時東遷諸書無考春秋襄公六年齊侯滅萊萊共公奔棠則遷牟當在滅萊後矣自牟以東別無國邑文登或其屬地也

秦齊郡腫縣地

史記秦始皇使天下飛船樓船起於黃鵬元利志黃鵬即黃縣腫即文登縣又史記秦始皇二十八年行郡縣乃並渤海以東過黃鵬穿成山十道志文登漢腫縣有之梁山此據唐初言之福山亦文登地自福山以東皆腫矣方輿紀要腫縣在文登西七十里或曰秦所置地沿黃字記諸書傳刻脫去百字遂誤至今考黃字記腫縣在文登西七十里清洋水側近與海畔之梁山相對是為今之福山縣而云縣西七十里其為脫去百字明矣但秦之腫縣極於海濱之腫則今福山縣耳

漢置昌陽不夜二縣屬東萊郡

續山東考古錄昌陽縣故城在今縣西南三十里後漢書光武十王傳章懷注昌陽故城在今文登縣西南寶宇記萊陽縣前昌陽縣理在文登縣西南三十里昌陽故城是也又文登縣昌山宋永初山川記昌陽縣有昌山又云昌陽縣在縣西南四十里九城志文登有昌陽水是漢縣以文登之昌山昌水得名故城在文登明文如是

按縣之昌陽山東通志考之其詳後惟續考古錄方為證據始知近志之誤惟其引齊乘昌山為昌水所出則仍混入萊陽文登昌水不出於昌山又謂今縣西南有古橋河東南流入母豬河即黑水昌陽城當在古橋河昌山之東今考縣西南三十里昌陽故城址猶存土人說為康王城即漢昌陽縣舊縣也帝元康八年始移於今萊陽縣 又按舊書地理志無昌陽縣萊州郡志昌陽令元康八年分長

廣縣立則今之萊陽縣也新登州志只知萊陽爲昌陽不知漢縣所在又不敢背其字記之文而移文登治所以遷就之云文登城當在今寧海西南海陽西北至唐麟德二年移而之東考文登建縣自北齊至今未移治所歷代地志諸書俱在府志不察而謬爲說武斷極矣

東漢昌陽縣省不夜入之屬東萊郡

舊志東漢省不夜入平縣考文登縣之西爲東萊東平縣即今寧海州又西爲平縣則今福山縣是越東平而不夜入平平斷無此理其字記今縣東北八十里有不夜故城後漢省併昌陽是也

魏昌陽縣屬長廣郡

晉省昌陽入長廣惠帝元康八年復置於長廣地在今萊陽縣界今縣

爲昌陽縣地牟平縣地

劉宋昌陽縣地牟平縣地

昌陽縣治在萊陽牟平縣治在福山蓋晉省東平入牟平縣文登之南境屬昌陽北境屬牟平也

後魏觀陽縣地牟平縣地

文登縣志 卷一上 建置沿革

二

觀陽縣治在今海陽縣觀陽地志觀陽有昌陽城有昌陽山即今縣西南之昌陽山有牛耳山即今縣東南之牛仙山蓋後魏復析昌陽置觀陽縣東極於海故今縣之南境爲觀陽縣地牟平縣治仍在福山觀陽志牟平有之崇成山之界在西成山在東則縣之北境屬牟平明矣

高齊天保七年析牟平觀陽地置文登縣

即今屬光州長廣郡周因之

其字記取縣界文登山爲名文登山在縣東一里元和志謂在西北九十按文登置縣元和志以爲高齊後齊分牟平縣置文登字記齊乘一統志俱謂天統四年置惟方輿紀要謂爲天保七年置北齊書無地理志考後齊紀天統四年無置縣縣之文惟文宣帝紀天保七年置曰要荒之所置多浮僞百室之邑便立州名三戶之民空張郡目於是併省三州一百五十三郡五百八十九縣三鎮二十六成文登置縣當在是年蓋省併牟平觀陽而置文登以方輿紀要爲是

隋文登縣屬東萊郡

隋書地理志文登縣後齊置有石松有文登山岸山之界山

按隋承齊周之舊東萊郡成山有縣東平觀陽之地疆宇其廣故唐初析置寧海定清縣觀陽諸縣皆故文登地也

唐文登縣屬河南道登州五代因之

新唐書地理志武德四年於縣置登州以東萊郡之觀陽縣之六年析置清陽縣定二縣齊唐時地理志貞觀元年登州及清陽縣定二縣北廢地入文登縣按唐初於縣置登州亦曰文登郡見十道志清陽即今福山縣縣志謂不載當爲今之寧海州麟德二年改置牟平縣如遼元年於牟平置登州神龍三年移登州治遼東縣文登屬焉

宋文登縣屬京東東路登州東

金文登縣屬山東東路甯海州

元文登縣屬直隸都省山東甯海州

明文登縣屬山東布政司登州府甯海州

洪武三十一年於縣北九十里置威海衛東百二十里置成山衛南百一十里置靖海衛成化中置百八里所屬威海衛靖海所屬成山衛甯津所屬靖海衛

國朝因之雍正十三年析成山衛置榮成縣咸靖二衛併入縣屬山東

省登州府

按欽定皇輿表康熙間甯海州領文登一縣縣屬登州志不載改於何時疑在雍正十三年裁併衛所時也後考河東總督王士俊疏稱文登屬員已極遠圖今再加以威海靖海成山三衛地糧軍

文登縣志 卷一上 建置沿革

三

戶其地周環至八百餘里珠璣管轄而成山衛又未便歸其孤懸海濱且成山地方爲海洋東面險要之區則成山衛自應改設一縣以資彈壓東以成山頭海邊爲界西以文登縣橋頭集爲界南自靖海衛之甯津所海邊起至西南文登縣屬之柳樹村爲界西北以文登縣之周家村爲界分撥文登縣之朝陽都十一里溫泉都之橋頭等七里望光都之柳樹村等二里地畝錢糧併靖海衛之事務所轄南治維軍軍糧元正藥等屯俱歸改

縣征收等因題請奉旨允

今縣境東西廣一百二十里南北袤二百里東至榮成縣界六十里

西至甯海州界六十里南至海一百十里北至海九十里東

南至榮成縣界一百里西南至甯海州界六十里東北至榮成縣

界六十里西北至甯海州界五十五里至登州府三百二十里至

濟南省會一千二百五十里至順天府二千二百里縣城在赤道北三

十六度十三分南界靖海在赤道北三十六度三十二分起東北界威

海在赤道北三十七度三十六分止東界東五度四分西界東四度二

十八分

舊志景野云縣入危九度考晉書天文志東萊郡入危九度東萊領縣十七邑而占一度說本難通况二十八宿割屬九州以天合地理涉元涉前人已多異議今測赤道度數以邑境爲準不用前人分野之說附天文於地輿

昭補注漢書例也

附雍正十三年以前文登縣舊界 西北接濰州界自本縣縣里店起十里至板橋村又十里至三十里舖又十五里至胡家莊又十三里至柳林村又二里至文登縣又十里至文登營又二十里至五岔口又二十里至報信店又二十里至橋頭集舖又十五里至溫泉寨又五里至蒲柳村又二十里至黃埠村皆屬文登管內 自黃埠村五里至成山衛又三十五里至海爲成山衛界 本縣南至老軍屯接靖海衛自屯至衛五里北至接官亭接威海衛界自亭至衛八里 以上舊界見 欽定皇輿全覽東西一百八十里南北一百二百里

形勢

鐵樣積翠層霄仰貫斗之形玉海環滄崖岸控朝宗之勢

山東通志

憑負山海東陲奧區

奧區

自唐宋金元以來縣之舊境西阻嶗山東北東三面距海爲山左邊陲古稱天盡頭明時建立三衛備禦海防縣城居中三衛環列如星羅布形勢完固自分設榮成縣東都軍弱如斷左臂

文登縣志 卷一上 形勢山川

四

山川

禹貢以山川定九州疆界秦漢建置疆更而不改失山川之限故州郡有易置而山川則萬古不變者也游乎千鈞之言曰自圖經散佚齊地山川例變俗惡之稱况邑僻處東陲古籍既失流俗相沿自明以來修志者不能據地志諸將以正其訛以致境內山川半多舛誤今本各史地志並元和志異字記齊乘諸書所載者復其舊名而海疆嶗山溫泉以類附記焉

泰山之脈東行者蒼於棲霞之艾山由艾山東北至鐔山折而北爲鵠山又折而東北至鷹嘴石爲寧海州又折而東峰巒疊望之若旂旗若瑒戟若奔馬游龍青黛一色南北綿亘二百里外障東海內蔽三齊是爲崑崙山文登在山之東萬峰巒峴皆以崑崙爲祖由崑崙而東北爲陽里口又東北爲愛山由愛山而東北爲奈古山舊威海衛在其下自愛山而東南爲著棋山自著棋西南行者盡於丰山文登縣在其下著棋山南出爲駕山駕山東北入榮成縣盡於成山頭駕山西南行爲

萬壽山又南爲鸛鷀山又西爲雙頂山又西爲娘娘頂折而南爲岱山

爲柘陽山又西南爲鳳臺頂盡於五壘島自萬壽山而西爲架子山爲

廟山又西爲萬石山又西盡於馬山古之馬寶山也由廟山西南爲摩

天頂又西南爲昌山漢神龍祠在山上山之陽爲漢昌陽縣以昌山得

名故址猶存又西爲九頂埠又西南盡於姚山頭木渚河入海處也由

駕山而東南爲李家山牛仙山鄒山又南爲石門山蓬萊山又南爲黃

華山又南爲望港山又南爲黃山又東南爲斥山折而西盡於鐵槎山

奇峯九頂紫色參天南連大海西有故靖海衛由崑崙而西南爲紫金

山又南爲崑崙山折而西爲虎窠山在木渚河南岸北與姚山頭相對東

水東流天然門戶此邑中諸山大勢也其分隸榮成者詳榮成志

文登縣志 卷一上 山川

五

陽谷小識曰邑處萬山中而以崑崙山爲西北維著棋山爲東北維斥

山爲東南維崑崙山爲西南維

王志有鐵官山在縣西七十里新登州志在縣西一百四十里考一統志鐵官山在濰海州西南四十里漢鐵官鎮治處舊志失考今不載又舊志嶗石山召石山今入榮成

崑崙山在城西六十里一名根余十六國春秋石勒遣石虎擊青州刺

史曹疑疑議欲徒海中保根余山即此一名姑餘仙經云麻姑於此修

道上昇餘址猶存因名姑餘蓋根余姑餘崑崙以聲相近而轉其最高

者名大白頂一石大悲頂甯文於此分界山之西面距甯海境東一面

入文登實爲甯文鎮山明代以前老樹參天人迹罕到獸有鹿豕禽有

子規 國初以來生齒日衆山木伐盡樵蘇可通山中雲烟綺縠冰雪

琢鑣四時幽絕迴異人間羽客道流往往棲止世所傳王真人及麻姑

上昇遺址多在甯海界

江都吳肇燧遊姑餘山詩一首

開說姑餘勝同遊物外身雲中穿徑客天半上山人路僻大聲急林深鳥語頻征衣沾雨濕到此拂清塵
四望崎嶇路始光暈眼迷橋危人不度風急鳥頻嘶翠色蒼蒼仞清流水湍湍登臨心共道身與噴雲齊

一室閒幽是僧夜坐閑案留于頃月窗紗四圍山所得點綴外不知人世間林嵐動清涼萬葉落松風
選石生清曉空隱思不窮鳥喧深澗畫人影亂流中風激水聲急烟浮山氣空崑崙佳勝地清興更誰同
南昌熊學煜遊嵐峯山詩

靜室聯吟客悠然心境間有時惟聽水無處不看山人坐翠微裏官閑綠嶼間夜深移燭盡涼月到禪關

石磴巖層觀森萬木陰晦明幽懸壑去住白雲心寂寂空天迥悠悠達海深深姑不可接留果向誰
古樹插青苔盤根歲月半階前留階潤殿角拂雲高夜雨鳴天觀展風聽海濤斯遊當擇壺選石坐揮毫

邑人林鉅位明和道山對
合省事峯亂春雲向曉生無從尋鳥道何處問人行霞暖桃初綻山空瀟自鳴策驢三十里猶未辨陰晴
邑人呂鑑齡遊姑餘山詩二首

擬買青山住蕭蕭策杖行到來塵慮漸直覺道心清洞古萋萋張蓋花閒鳥喚名寂寥人境外風動閑鈴聲
勝地元幽絕徘徊暮時晚煙迷大壑殘照入清池山靜鐘鳴遠林深月上邊奚奴引歸路筋力不知疲

呂學幹再遊姑餘山詩

文登縣志

微徑一以折屐深谷盤互逶迤深洞百餘丈其中皮仙桐齡盤嶠石屹森布遙遙望海亭溪漲橫絕巔
天高萬象殊地逼百靈赴心神所應接勝事悅已癖昔奈何草草今茲領異趣乃知探奇者名山屢興步
君看蘇子瞻前後赤壁賦

邑人于熙學西山詩二首

峯環洞複歷紆七十二庵隱者居見說此山三百里窺竒或恐是根余
搔首青山宿霧殘西風吹徹海濤寬直從初日蒼涼外獨上峯頭萬里看

于熙學懷寬齋詩

今朝寒風間日日煙雲老荒涼神清鏡寂真安期憂我昔曾周覽杖履香滿道水光染山青松樅皆十抱至今猶入夢何時更探討洞口閒蓮花峯頂望遙島因之二勞遊采詩可參考沈吟身漸衰忙鞋著難保

系金山在城西五十里金大定壬寅馬丹陽過而喜之曰此洞天福地

石勝處也建東華宮於山前元大德壬寅李道元開石洞曰朝陽洞山

西北五六里兩石屹立高三四丈狀如新月俗名月芽石隨石之四

詳見州志

邑人呂潤芬夜登紫金峯詩

洛日千峯夕蒼茫
晦遠村深林野
闊遠火點秋原
風力當松壯山
形入夜存剽然
動長嘯彷彿是
蘇門
邑人于觀良雨
後遊紫金峯詩

系金峯下訪全真曲轉蘿坡少四鄰策杖頻懷招隱願披榛忽結看山因雨餘屐踏苔苔破洞口泉梳石
苑新仰羨五華碑字

撤簷山在城西南三十里單椒獨起峭削秀拔上有靈泉有碧霞元君

廟東爲亭四顧蒼然山海繡錯賽神者先以靈泉盥手漱口而後入廟

以示誠敬舊俗也啓堂隨筆文登西南有山突出兩大河夾之蒼翠聳

秀崔巍嵯峨土人以撇簪名余以字音測之必是特秀曰撇簪者聲之

轉耳

文登縣志 卷一上 山川

向年孤擣直爲天作柱
增拔如同華嶽連古剎
丹青雜鬼怪驚翔鳳
雲卷羣仙天門高步觀
瀛海鯨棲壓巖身
在八人頂北巔嶢嵐朝
風朝風萬笏龍池噴雪
落樓前揜星宿霄漢上
雲霞雜陸珠斗懸頭下
視塵寰小只

愛山王戎北二十里有泰山廟其下有祠曰愛山祠見于魏今作艾明

老兩頂谷呼壓皇頂在城東北五十里上有石廟明宏治十七年建
泰山石城北七十里有泰山廟其下有洞曰愛山洞見寺觀碑作愛

順元年康熙二十四年重修旱澇祈禱無不靈應山極高峻登其巔則

見三面海水際天崑崙峙其西南著棋對於東南四山合抱羣峰皆小

鄉進士叢雲燦碑云茲山蓋高爲我境內第一峰歲在辛卯鄉之善信

土琢石爲尊飾以金碧爲禱雨處也

轉龍山在城北二十二里古名磨兒山由東迤西盤曲五六里如神龍

宛轉故改名東有大石險怪如臥虎俗呼爲老虎窠下有二洞一東南

向一西南向天然相對深藏不測東一洞上有古篆數字剝蝕不可辨山之西舊有石廟村人禱雨祈晴及染病而禳者無不應遂共議陶瓦增椽爲廟落成之後適天陰雨忽一人自外至衣雖藍縷氣象異常問其姓名不作一語拾香爐中餘燼畫字於牆云轉龍山八景畫畢即去咸以爲仙

著棋山在城東北五十里俗名正棋山由崑崙而東以此山爲巨鎮頂有玉皇廟廟西有石枰方丈許色深翠界畫天然墨色深入石髓兩旁坐窠天成無斧鑿痕相傳爲仙人著棋處棋枰之西有自來碑聳立石壁高七尺廣三尺餘厚近尺無建鑿之迹可尋碑之中行四大字曰洞天府地兩旁及碑後小字有乾坤日月地天泰有生不爽等字餘多模

文登縣志 卷一上 山川

人

糊山之東北有白鵝石突然而出光潔可鑑遙望之如白玉琢成石之東有地泉一名地河深藏山腹尋之不見但聞水聲潺潺山下有洞名水洞洞門闊容數人漸入而路漸隘僅可容身碧水澄澈其深無底緣水岸石齒側足僕行既入又闕如是者三則石壁雲蒸路暗水隔不可復入相傳其下通北海云又有朝陽洞火石洞和尚洞皆幽邃山石中碑材色碧而質堅邑中古碑數千年不剝者皆此山石也山之西曰蜂山山隙時有蜜蜂出入故名

榮成歲時雜記 自來碑詩

著棋山上自來碑棋盤石西路之隅孤峰聳立隨絕壑不生樹何折據信問土人幾多載百歲老人如童孩洞天府地無缺畫道動輒曲古體該乾坤日月地大泰有生不爽無疑猜其餘模糊不可識搜折枯鱗訓導皆殘畫欲讀不可讀蛟龍怒潮忽離開拘土拭之拂以袖極窮目力不杙長最古張圖獨古遇一字費盡數徘徊借曲鑿牙語不實重石鑿字多埋獨立山頂長太忌恐是飛來峯飛來

白鹿山在城北四十里寰宇記唐神龍三年刺史畢元愷獲白鹿於此燒車嶺在城北三十里

幞頭山在著棋山西十里許以形得名又城西十二里有幞頭山山石突出形似幞頭其下爲幞頭村

駕山在城東北三十里傳爲秦始皇駐蹕處其北爲天門澗南爲駕山寺古名清涼寺

天福山在駕山東南隅四面奇峰環抱中有地寬廠園五里許突起平臺國初大水泊于氏建佛刹其上院宇幽邃竹樹陰森土人往往讀書於此臺之左有甘泉繞臺流涓涓不絕每當春夏之際樹林翳影雜鳥弄聲極爲幽勝

文登縣志 卷一上 山川

九

萬壽山在城東二十里山陽有古嘉會院今名洪教寺

六山在城東五十五里六頂相連故名有六山寺

邑人于熙夢遊六山詩
萬里誰能許漫遊依然身辭六山秋寺門靜對公孫竹村笛遙呼子母牛領客尋花戀麗尼看僧掃壁待
盤頭題詩未竟歸雞
動夢斷空齋古錦收

三奇山在城東二十里上有龍穴石竈仙人迹因以三奇爲名林壑幽邃神仙窟宅也

鶴鶴山在城東南二十里寰宇記此山常有鶴鶴棲止故名今名金嶺山又名佛爺頂石上蟬殼紛如或云舊時南連大海故孕此今山去海二十餘里

廢碑曰縣治南長山一帶雅似外屏其東南二十里有山高出羣峯勢如建瓴山巔之上其小者砥礪以周垣中建佛殿俗名佛爺頂因廟得名也山之周遭大小村落基布星羅或橫掛山腰或潛伏澗底土

柘陽山在城南四十里明時昌山神龍移祀於此有龍王廟山橫亘數里其南有古寺曰柘陽院峰巒合抱規模宏敞廟之西又有小殿三楹謂之西院遍處山阿石骨嶙峋殿後石洞中常有巨蟒潛伏天將雨輒效雞鳴時出遊人或見之不避人亦不爲害乾隆三十年蟒去不知所

之拓古碑作遮

邑人賽珠遊柘陽山詩

山勢懸崖絕海曲，人一步一蹣跚。我從巔崙山下來，騎禽出色入山腹。千載空傳拓陽名，至今不見拓陽木。惟有鬱鬱萬松林，亂峯高下迎人舞。嶺巖古寺藏靈藥，色色參差雄莽入。門突兀然雙碑峙，苔鮮斑駁可讀金。統元正遠，蓬萊有道人，身繫輦，老僧延客開茶甌，隨意起坐無拘束。西寺更上，老龍宮，靈響震，巖粉紛花族，馮夷擊鼓翻雲舞。指點丹青看不足，我生性癖酷愛山，老樵牧童喜追逐。竭來茲遊真奇絕，幾時踏履循海山，拾松紫之調白鹿，養衣霸蒼金，慨慷幽

五壘山在城南五十里山下卽五壘島海口寰宇記其山南北成行入

文登縣志
卷一上

山川

十

海如壘焉

廟山在城南十里北對縣城爲城南屏障其西爲摩天頂

萬石山在城西南十里有石屋明嘉靖間邑人叢磐講學於此巖畔

有萬石山三大字方廣丈餘磬所鐫也萬石山五箇頂本是一山其東

蜂稍大曰五箇頂其西蜂差小曰萬石山

名勝志萬石山上五頂相連尖峯峭俗名五個頂此大誤五個頂別自爲山不在萬石山上

江都吳肇煌萬石山詩

山空攀援更上丹峯頂天海蒼茫望不窮

邑人于觀員初春自縣城訪吳石山記遊詩
我聞吳石高峯巖似鐵橫雲峯今朝指襟城南遙達十里相銜潤渚初舒林麓兼數兩已層風
未輒棲輦隨步錯復參差者兩兩三生坐懸橫岡陞履行穿凹潤履旋轉轉東環墳填填如面陡陟北
角奇峻嶺頭臨下臨一壓脚夫奇通雙輪轡劃開年龜骨煒成火窟寶空鑿鑿雲奔石蹙蹙鑄金踏蹙蹙
匠師錘鍊鐵道西下一峯巒又奔半壁峭削何年龜骨煒成火窟寶空鑿鑿雲奔石蹙蹙鑄金踏蹙蹙
空阿誰道這樣盤蛇場來弔古苔生晚翠山有興命途逢杜鵑藏包遺及花應怕催歸觸念家徒知垂老

無家絆正好
棲霞愜巖觀

馬鞍山俗名馬山在城西南十里中多石洞今塞魏書地形志觀陽縣有馬賓山卽此北魏縣之南境緣觀陽故以馬賓牛耳諸山定疆界山產繭最良土人名曰馬山繭

昌山俗名回龍山金史地理志文登縣有昌山一統志作昌陽山

縣城遺址一統志昌陽山在一名巨神山或作巨神島在城西南三十里山有巨神龍自

巨神龍有祠能興雲雨崔炎避黃巾賊於此山

之陽縣在今萊陽縣東南二十五里乃晉元康八年自文登徙此亦在昌山之陽
有昌山無巨神山隋史道衡漢志之文未加詳考故以文登之山誤注於昌陽縣下
登縣西南三十里有巨神龍龍祠坊本齊乘作巨神島遙傳刻之說
引齊乘此條作巨神龍登州舊志引齊乘亦作龍字欽定皇輿全覽

文登縣志

山川

十一

自明以來昌山之名亡昌山神龍亦失所在遂移祀神龍於縣南四十

里柘陽山此卽今俗所稱禿尾李龍主也修志者不考古籍里相傳遂多異說康熙五十三年龍見於宋村之北山

即昌山山名既失山南有宋村 一時閩邑 閩立廟山巔改名曰回龍山 此山改名周龍之始

邑人賽珠詩注
自是又移祀神龍於昌山每歲三月初二日俗傳爲龍母誕辰妝

演雜劇爲龍母上壽香火之盛甲於東方道光二十八年山東巡撫徐

奏請 敕加神龍封號奉 旨封溥惠佑民四字神龍遂列祀典

按宋永初山川記所引鄧國志蓋晉司馬彪鄧國志到宋時其文猶存也今永初山川記三疾帝寢

記載之齊乘亦本寔字記而坊本多誤龍字作島昌陽故城在縣西南三十里亦見寔字記昌山在坊

城之北郭南河久廢今始於甲午甃千甃千甃遂通其舊壩宋元地志謂在耳
牛橋即郭國志之文接水經注有司馬彪郭國志今亦不傳

王志縣南柘陽山有龍母廟相傳山下郭姓妻汲水河涯盛而有娠三年不產忽一夜雷雨大作電光
擊屋燬無兒龍之形後復有物狀如巨蛇擊於山有鱗魚怪以告郭郭族復來飛刃
臨壩而去其尾後其妻夜葬山下一年雲霧四塞鄉人遙望一龍旋繞壩頂及曉見其復上土壩
數尺人以為神龍遷葬云後亮見龍元年卽甃每見甃將舉土人皆而知之因構祀記之歐志同惟

邵作

按 欽定皇輿全覽引康熙志此條亦作郭姓妻與王同歐志又改為李姓妻郭氏忽忽李然則神龍之姓無定矣其言二志皆無確證各據一時俗說採以入志久之遂成故實其所以稱此二姓者亦有故焉自明移祀神於柘陽山之後多郭姓山之前多李姓也又縣之南境柘陽山柘陽山蓋深山橫盤山等處皆有龍母墓然則墓亦無定矣總之深山大海實生龍蛇以人生龍於古未聞龍有姓有父母其母又有墓墓又不一處姓又不一氏皆有明以來里俗之談宋元以前地志諸書俱在無其說也

龍母山房見開錄寶少保廟初通籍時曾為黃溪令嘗於張真人處遇同鄉李龍神曾求公向真人緩頰欲回家視其母公為代請真人曰此非不可但宜遵海濱而行免傷禾稼耳忽聽一聲龍神已不見矣後公每晝日徒行頂上必有鳥雲一塊相覆即神龍之報也按此亦採俗說以入神乘神龍意幻怪矣考明史袁繼宗傳登安治廣成進士即授戶科給事中終其身未嘗官黃溪縣令其說之荒渺不辨而明矣自明以來神龍之說愈傳愈盛故志列於雜聞者不合舊矣古於易易之乾卦聖人取象於潛龍見龍遊陽剛之德能興雲雨利萬物與大人同符龍自不怪怪者怪耳今復昌山之舊名神龍之故遂本宋元之遺書而正以 國朝之封號古籍 朝章炳燾千古舊志諸說存而不論可也

邑人賽珠龍母宮時呈明府王公

柘陽山頂龍母宮下瞰萬井上撐空龍母宮時龍母墓據探不入松楸路當年龍母產龍子時峰頭角亮厥尾磨牙攫爪騰空去朝江暮黑水異物不忌母氏恩賜來歸縣谷風風機執縛龍龍龍水品瑞期來海底至今談明走干村珠宮員關山頭起骨無碑碑鎮年代土人荒唐呼老李祈晴雨劇有靈龍

文登縣志 卷一上 山川

十二

守歸來未幾登閣說者惜小不詳蓋雷擊電一時進運來一去不知還前年移而回龍山麓蓋聚石窮民力更聚龍宮廟利賴頗顯雖一般喜新厭故理或然但是年年收玉粒不惜處處掘金龍龍性今秋大雨雹驟驟連旬失望期稻子熟時未上場狂風驟吼奔如削可憐野哭滿溝溝井上龍宮知未會鳴鼓恩惠難離曉曉山場事不丁明府王公智以廉潔民隱知神好順上此詩到公府傳曉千家曉萬戶更假明此呼孟勞續斷龍開覽特

龍歸大海不同首自今以始識其有

康熙甲午移祀神龍於昌山重起廟廟改名同龍

山即此詩中注語存此以備掌故使後世有考焉

娘娘頂在城東南二十五里山極高峻頂上有文峰塔建置無考洪武間重修嘉慶戊寅夏兩連旬塔復頹廢道光己酉重修南海行船者視以為準也山腰有馬蹄石石上仙人行迹宛然其西有古洞甚幽邃山下為顧家村村南山亦有塔村西即白佛寺寺南為岱山有塔與文峰同

鄒山在城東南四十里東與牛仙山連山極高峻鳥道崎嶇攀緣可上

三面海濤奔赴眼底山南有鄒山庵山西有廩生于選墓即孝子于令蒞廩墓處墓西北有石方正如几舊名馬臺石孝子改名方石晚年自號方石老人

牛仙山在城東南五十里即魏書地形志之牛耳山後改名平山舊志無名真人結庵於此乘牛得仙鄉人稱為牛仙因改為牛仙山唐順之左編王玉陽初居牛仙山即此

石門山在城東南五十里寰宇記山有二石聳立高二丈東西相去一丈望之如門即此廢鐸鑿曰邑東南有兩石突出平地高各三尋銳端南曲遙望雅似羊角迫而觀之北向作獅子形邑乘所謂石門山也土人名之曰雙石周遭地勢平衍六村環繞皆名雙石因石得名也

文登縣志 卷一上 山川

十三

蓬萊山在城東南五十五里有龍王廟

望漿山在城東南七十里山下有望漿寺古刹也

黃華山在城東南五十五里古黃華關也有黃華廟其西即千八港

塔兒山在城東南七十里一石突出形狀如塔故名今仆

廢鐸鑿曰余村東南十餘里有山曰塔兒山形勢不甚高廣河經其陰東入於海土為水暫達爾聚立山之石上峰巒岫巖出地上中有高石直矗上圓下方雅似浮圖曰塔兒山者因石得名也河廣不過數尺北岸則平沙無幾幾近里許每秋水暴漲山下深可流洑其後不過及周南岸則沒隱而已河之北岸有村曰塔兒山亦因山命名也其村雖臨大河絕不為害村有數戶頗皆素封有某翁者思築室以廣其居乃糾合村人共取山石有長於風靈者止之曰河伏山下從未泛濫以石塔故若毀石塔恐河徒無常矣不聽鳩工斲石塔崩之仆毀以築室未幾河流北注岸當其衝遂成峭壁高遠尋丈水至岸崩村舍半淪於河於是北徙其居而河流則屈曲如蛇南北衝突毀良田無算河水去村不過數武而村亦實不能支夫天地生物各有其用剛愎者任意毀敗卒至身罹其災悔亦無及若此村者可為殷鑒矣

斥山在城東南一百里跨文榮兩縣界亦作赤金元為鎮設斥山寨巡

檢於此邑中于氏昔家焉故曰斥山于

黃山在城東南八十里山之東頂舊有石砌龍王廟建置無考壁有石碣祇天啓年號依稀可識 國朝康熙五十二年重修靖海衛廩生常元素撰碑字亦多剝蝕略云廟有奇靈康熙間有戲於廟者雷電下擊之人感其靈旱乾水溢有求必應四十七年久旱不雨或以惡祈又以雷擊之斃者四人震驚幾斃者十餘人惟神作威故能作福吾鄉蒙其福而畏其威焚香設奠爰作新廟以示久遠

文登縣志 卷一上 山川

十四

鐵槎山在城東南一百二十里齊乘鐵槎山東連斥山甚奇秀圖經弗載豈古與斥山爲一與 欽定皇輿全覽鐵槎山相連九頂南瞰大海絕頂大石之上有龍窩龍迹有龍池池水大旱不乾有清涼頂千眞洞山東有石名曰上天梯以手拂石方能行年久手印入石寸許東頂有雲光洞卽王眞人修煉處東南有雲蒙山山下有水簾洞洞內有二石珠每遇將大風雨珠盪激響如雷土人以下陰晴焉每歲元旦水退可步至洞門外窺之杳然無際洞門題水簾洞三字大如斗過日則水勢汪洋怒濤洶湧舟人祇遙望之非飛仙不能至也明常康鐵槎山詩羣峯簇翠五雲中眼界橫收六字空山對鼇頭開貝闕水環螺髻現珠宮龍藏古洞風雲合人泛仙槎霧雨濛幻迹三山誰慣見登臨縹渺盼仙

翁

焉人聽其言輒馳逐及聞山下佳景多踟躕絕望遂不敢前已也昔邑侯何公輔至靖海余同遊時又嘗者
梯山下大東門跡距縣城六十餘里余餐餚時絕諸父老曰此巨觀也邑大夫及四方來遊者每杖履過
焉人劉月坡號遠表也初夕宿寶山巖丹山邵郡三至于聖水千鑑潭于阿輔至靖海縣城又至雙峯
抵山下從山之東北徑登瑪瑙巖嶺上延修林懸泉飛瀑密沓枕枕心快目此爲其極目巖主巖約約
巖石有奇履一徑曰摩挲獨身臥海沔力有難競佛立深巖人攀援梯援一徑曰上天梯巖空寂寂
巖石接天行者探探曰獨笑英獨身臥海沔力有難競佛立深巖人攀援梯援一徑曰上天梯巖空寂寂
五後則石壁峭立巖挂如帷青有條條於斯者以鉢鉢石成洞不瓦不棟棟四壁內鑿千佛於上名千
崖洞僧公韶余與衆水對弈於石屋中此時兩人不言頗有今古一閒之盛洞之東南有仙人禪窟僅存
圯址摩羅石髓玉瓶神書杳然不可問往向卽上延修林白雲飄浮而南三三里登寶頂高廣反聚
之昔佛蘭半巖玉瓶神書杳然不可問往向卽上延修林白雲飄浮而南三三里登寶頂高廣反聚
想道人方丈內須尖步數外登古塔遠見西峰上夕暉半落流霞噴噴客飲歡飲甚余危怖倚塔長嘆高古
吟山鳴谷應蟲吟誌之瑛瑛之感靈靈焉同志告辭余低徊留之不能去月坡攜余饒燒土定所月
出峯頭寒風瑟瑟時湖聲汨汨如生枕上餘光明滅之下有觀鴈羽衣女子持鉢長跪俯仰作禮遙目不輟余
亦頻頻然置簞身於崑崙元圃中矣次早將歸向公韶余下曰駭仙九龍池俯仰作禮遙目不輟余
通洞所見一石路橫僅二三尺上摩霄而下臨無地好事諸少年手引巖石錯足懸空而過入則四圍如來

文登縣志
卷一上
山川

十五

皆可藏人百餘陷民曰此避兵所也龍池較此洞尤險峻向平視之同聲奈謝不能強之乃登繞石爲障
清樺足及巖東石坡橫一三步欹斜如屋脊狀南夾岸下視萬仞上抵龍池丈餘登者食瘠人骨
作梯層疊而上久燒失步阿輔亟牽之乃免入山二日從山之西路絕徑過石穴長一里餘非工非匠
搭天然盤礴而陞澄清不雨前步數里石屏削成瀾水瀟瀟凝社主廟政裂席地而坐客時於石興圖
人隨過高村間於縣藥水數盞遊之宿大水泊宴阿輔竹片簾會縣報縣勝風之變尚公遺物猝然而散
嗚呼一日之間聚散愛樂有發爲焉未可強而悅我也況於關天下之運會係生人公道鍾粹然而散
者乎援筆記之

邑人呂肇齡遊鐵橋山記

韓侯乙未七月二十三日余以事過河村料莊桂樹三里許友人劉覺林邀余往遊因由其西廂李贊及攜僮而行十里茅舍蕭然滿庭竹樹間張道士所居也匆匆遂入觀覺林邀余往遊由山之東觀捫蹻陟磴而果而上其山之巔者獨觀者直折者橫裂者如者凸者崎者窪者形勢奇詭莫可名狀自朝至於日中才得履山腰由此而南山益峻益狹狹峻峭壁萬仞鑿二石佛於其上名曰摩佛頂下臨深壑不知幾千萬丈攢崖而行望之疑心欲倒因覓涼泉之遂復紆行繞與爲羣穿陡壁設險幾八懸數十里級方支旌旄而行望之疑心欲倒因覓涼泉之遂復紆行繞與爲羣穿陡壁設險幾八懸之險則于其洞洞上龍池深寒能測折而下則拾身臺臺峙于地冬令極周湯當秋風驟發披撥下視海波激瀾鐵鏈銜橋隔阿村烟樹歌謳嘯嘯不遇巧獻技於萬峯之下此殆天作地生以開俾觀者行因浮白狂歌成百七弁於當以飲來遊者一噱歟

與行五海上附程剛百里鐵樓當我欲往味所嗜嘗此一二同好人導我前路河之漚入山陰風冷毛髮三行東上披荒憐香降紅飛架欲墜天光通一餅欲不上上草即斷怕學過之號太華思靈境不虛來觀字幟幟拾身臺登發如聞風雷吼九龍池上鼓簫聞羯鼓隨一綠度盤盤通明洞天露中有